



ATASSUT

UPA 2017/104

Mala Høy Kúko

04. Maj 2017

Angajoqqaarsiat atugaasa pitsanngorsaavigineqarnissaat aningaasatigullu paaqqinninnerminni tigusartagaasa qaffaavigineqarnissaat, taamatuttaaq nerisaqarnermut-, atisarsiuutissat-, kiisalu kaasarfimmiorisartakkanut aningaasartuutaasartut ullutsinnut naapertuuttunngorlugit naleqqussarneqarnissaannik Naalakkersuisut peqquneqarnissaannik Inatsisartut aalajangiiffisassaattut siunnersuut.

(Inatsisartunut ilaasortaq Laura Táunâjik, Siumut)

ATASSUT-minngaaniit siunnersuuteqartoq Siumut-minngaaneersoq Laura Taunajik imatut naatsumik oqaaseqarfigissavarput.

ATASSUT-ip pingaartippaa inuit tamatigut ineriartormikkut sapinngisamik pitsaasumik atugassaqartinnissaat. Tassa inuit toqqisisimasut pilersinnissaat pingaartitarivarput. Tamaammat uani pineqartumi meeqqat aningaasatigut pisissutissaannik imaluunniit Kalaallit Nunatsinni angajoqqaarsiatut inissisimasut ukiuni pineqartuni aningaasatigut malinnaatinneqarsimanginnerat, massakkullu malinnaatinniarneqarnissaanut siunnersuutigineqarmat ATASSUT-minngaaniit nuannaarutigalugu oqaatigissuarput.

Pingaartuuvormi ulluni Kalaallit Nunatsinni inersiartorfiusuni suut tamaasa akitsoraluttuinnartut aningaasatigut malinnaaffigiuarnissaat. Sulisartut kikkuugaluarpata peqatigiiffinut ilaasortaaffeqartarput, sulisartut ilaasortaaffigisaasalu isumagiuartarpaat aningaasarsiatigut qaqugukkut ukiuni tulliuttuni qaffaasoqaqqinnissaa.

Uanili pineqartumik angajoqqaasiarineqartut taamatut pineqarsinnaanginnerat ajoraluartumik aningaasatigut kinguaattooqqanerannik oqaatigisariaqarpoq.

Aningaasat naleerikkiartorerata nassataanik nerisassat, atisat, ineqarniarneq atortuutitigut suut tamaasa aningaasanik nalillit akitsornikuupput, ilai annertunerusunik ilaallu annikinnerusunik.

ATASSUT-miit neriuutigissuarput uani siunnersuutip aningaasatigut iluarsivigineqarnissaanik kinguneqassappat meeqqat angajoqqaarsiaqartarnermikkut pitsaanerusumik angajoqqaarsiarineqartussaninngaaniit tiguneqartalerumaartut.

ATASSUT-minngaaniit siunnersuut tamakkiisumik taperserlugu ataatsimiititaliamut susassaqtunut ingerlateqqinnissa kissaatigaarput neriuutigalugulu oqallisigineqartuarumaartoq.
Qujanaq